

Den Ambiente



JAN POETS

E PROMER DEN AMBIENTE JUNIOR AWARDS UN EXITO ROTUNDO!!!

** Diasabra ultimo Tropicana showroom tabata di super gala na momento cu nos futuro artistanan a ser honra durante e prome DEN AMBIENTE JUNIOR AWARDS 1994.

E prome DEN AMBIENTE AWARDS, cual a ser dedica como un homenage na e gran dama Marta Figueroa, y pa cual e suma recauda tabata na beneficio di Imelda Hof, a resulta den un exito sin presedente.

Tabata presente como invitadonan di honor su excelencia Ministro di Cultura Dr. Lili Beke Martinez, Edwin Abath, Ana Krozendijk,

Sonia Wever, Rufo Odor, Eddy Toppenberg, Mercedes Abdul, John Jeand'or, Efraim Benita, Juani Schwengle, Ronchi de Cuba, Erin Croes, Oscar Vidal, kendenan tabatin e honor pa entrega nos futuro nan merecido reconocimiento pa medio di un precioso plaquette.

Tambe tabata presente nos digna beyesanan infantil; Maribel Andrade Reina infantil di Aruba su Carnaval 1994, Chie Chen Tang Little Miss Universe 1994 y Gisleine Gomez Little Miss Den Ambiente 1994.

E publico cu a presenta du-

rante e prome DEN AMBIENTE JUNIOR AWARDS 1994, a disfruta di un espectáculo hamas visto presenta aki na Aruba durante un premiacion.

Locual sin duda cu a causa un impacto durante e premiacion juvenil aki, tabata e presentacion formidabel di e jovencita di apenas 9 años Il-len Koolman, kende magistralmente a toca tres pieza candeloso riba su caha i orgel.

E precioso presentacion di e damita aki, kende a ser acompaña pa e maestro Buchi Boekhoudt riba wiri, a pone tur hende su lananan



cohe "kippivel" na momento cu e la resona e tremendo cancion juvenil "E Truck di Mi Tata" for di su caha i orgel.

E damita aki Il-len Koolman a demostra na e otro joven nan cu no ta hende grandi so por domina e fascinante arte di toca caha i orgel. Alaves tambe Il-len Koolman a sirbi como un ehempel na tur nos jovennan pa dedica mas atencion na nos cultura.

Durante e magno entregamento di e prestigioso premiacion aki, DEN AMBIENTE JUNIOR AWARDS a duna reconocimiento na dos persona, kendenan semper a coopera y ta guiando nos futuronan den un forma estupendo. Tabata trata aki di Roy Olive y Sergio Tjin-A-Loy kendenan merecidamente a ricibi nan reconocimiento pa nan excelente trabao di gran valor na desaroyo di nos cultura.

Tambe for di hermana isla Corsow tabata presente Boy Thode kende apesar di un retraso formal di su vuelo, tog e idolo di nos juventud a sa di cumpli cu su promesa di tabata den Tropicana showroom na tempom, pa asina e por a presenta hunto cu nos futuro artistanan. Algo sigur cu tur hende a aprecia tabata e fabuloso show di Boy Thode comina cu e dos gruponan dividi en-

tre Quincy Hasham y su grupo "Cos di Mucha", y grupo Pierewietje.

E publico presente a goza e fabuloso show aki sin fin, na unda Boy Thode e propio "Tata di e Truck" a presenta hunto cu e dos gruponan aki su exitoso hit "E Truck di Mi Tata". Mester remarka cu e actuacion di Boy Thode hunto cu nos estreanan tabata LIVE presenta riba pista instrumental.

Esaki tabata gracias na e tremendo trabao di Igor Hasham kende a ademas di e letlanan, tambe a traha duro riba un coreografia especial pa e show aki.

Tambe Boy Thode hunto cu nos futuro estreanan Sulaike Croes, Joselito Geerman, Derrick Dubero y Edjean Semeleer, a presenta den un forma magnifico e bunita cancion "BAN UNI". E cancion aki tambe a ser interpreta LIVE, gracias na e tremendo cooperacion di Roy Olive, kende a prepara tur e artistanan aki den un tempo relativamente corto.

Boy Thode mes a keda sumamente impresionado pa e forma unico di nos artistanan, kendenan a sa di acompaña su persona sin ningun dia a enseñá cu su persona. Esaki ya caba a keda demostra cu nos futuro artistanan ta riba un nivel artistico profesional.



GALARDONAN DEN AMBIENTE JUNIOR AWARDS 1994

